

25.05.2022.

Organizovan Okrugli sto o temi „Poboljšanje kvalitete i relevantnosti stručnog obrazovanja i obuke u BiH za period 2021-2030.godina na osnovu zaključaka iz Rige“



Ministarstvo za obrazovanje, mlade, nauku, kulturu i sport BPK Goražde u saradnji sa austrijskom Agencijom za obrazovanje i internacionalizaciju OeAD organizovalo je Okrugli sto o temi „Poboljšanje kvalitete i relevantnosti stručnog obrazovanja i obuke u BiH za period 2021-2030.godina na osnovu zaključaka iz Rige“. Radi se o dokumentu koji je Vijeće ministara BiH usvojilo prošle godine i predstavlja okvirni dokument za stručno obrazovanje u BiH.

Prema riječima ministrice Biljane Begović koja je prisustvovala Okruglom stolu, na kojem su učešće uzeli profesori praktične nastave kao i predstavnici privrednika, riječ je o strateškom dokumentu od značaja kako za učenike i nastavnike u praktičnoj nastavi, tako i za privredne

subjekte u kojim se izvodi praktična nastava prema potpisanom sporazumu sa ministarstvom.



„ Dugo se već radi na unaprjeđenju praktične nastave a od 2018. godine, ostvaren je napredak, tako da naše dvije srednje škole su već realizatori stručnih obuka, a to su Srednja stručna škola „Džemal Bijedić“ i Srednja tehnička škola „Hasib Hadžović. Danas ćemo dobiti još jedan značajan dokument za naše učenike koji su direktno na terenu i direktno dobijaju znanje za koje se obrazuju. tako da je sve ovo značajno u smislu nekog doniranja savremene obuke i opreme, jer smo svjesni činjenice u današnje vrijeme da je tehnologija toliko napredovala da više ne može samo običan tekst na papiru zamijeniti tehnologiju. Naši predstavnici, odnosno GIZ i današnji gosti, uvijek tu dobronamjerni u smislu podrške da se involviraju naše škole i da se poboljšaju uslovi u kabinetima gdje se izvodi praktična nastava“ -kazala je ministrica Begović.

